



Frétt nr. 10/2024

24.10.2024

Leiðandi hagvísir Analytica – Hagvísir hækkar en ómarktæk breyting sem stendur


Leiðandi hagvísir Analytica (e. Composite Leading Indicator) hækkaði lítillega í september í framhaldi af lækkun undanfarna mánuði. Hækjunin nú er ekki metin marktæk. Þróun einstakra undirþátta hefur verið að festa sig í þá veru að benda til minni vaxtar eða samdráttar. Lengd lækkunartímabilsins undanfarið bendir til dökknandi horfa næstu mánuði. Þá benda nýlegar tölur Hagstofu Íslands um landsframleiðslu til þess að merki um minni vöxt eða mögulegan samdrátt sé að gagna eftir.

Þrír af sex undirliðum lækka frá í ágúst. Raunminnkun debetkortaveltu í verslun innanlands hefur mest að segja sem og samdráttur vöruinnflutnings að raungildi og lækkun væntingavísítolu Gallup. Umtalsverð óvissa er áfram tengd þróun alþjóðastjórnsmála og í efnahagsmálum á alþjóðavettvangi.

Hagvísirinn er vísitala sem gefur vísbendingu um vendipunkta í efnahagsumsvifum að sex mánuðum liðnum. Það er hlutverk vísitölunnar að veita skýra sýn á efnahagshorfur og vara tímanlega við viðsnúningi í efnahagsumsvifum. Vísitalan er reiknuð á grundvelli sömu aðferðafræði og annars staðar þar sem sambærilegar vísitölur eru reiknaðar en sérstaklega er tekið mið af verklagi OECD.

Mynd 1. Leiðandi hagvísir Analytica og verg landsframleiðsla – frávik frá leitni

Langtímaleitni = 100




Þróun leiðandi hagvísis Analytica er sýnd á mynd 1 (blár ferill) ásamt þróun vergrar landsframleiðslu (VLF - brotinn ferill). Reynslan er sú að leiðandi hagvísir er að jafnaði um 6 máð. á undan þróun landsframleiðslu.

Á mynd 2 má sjá þróun vöruinnflutnings á föstu verði, árstíðaleiðréttan og jafnaðan fyrir tímabilið 2007-2024. Um er að ræða einn af undirþáttum leiðandi hagvísins en reynslan sýnir að hér er um tímanlega vísbendingu að ræða.

Dökkblái ferillinn á mynd 2 sýnir frávik vöruinnflutnings frá langtímaleitni en brúni ferillinn prósentubreytingu frá fyrra ári. Búast má við að þessi undirliður hagvísins verði leiðandi næstu mánuði m.a. tengt umsvifum í ferðaþjónustu og byggingariðnaði. Hins vegar má einnig gera ráð fyrir að áhrifa verðbreytinga erlendis gæti í einhverjum mæli. Undirþátturinn bendir til að magn vöruinnflutnings fari áfram minnkandi.

Mynd 2. Vöruinnflutningur – Frávik frá langtímaleitni og %breyting frá fyrra ári

Fast verðlag m.v. vísítölu neysluverðs - Árstíðaleiðréttur og jafnaður



Sömu ferlar og birtir eru á mynd 2 eru einnig sýndir á myndum V1 og V2 í viðauka en tilgangurinn með mynd 2 er að draga fram þá þróun sem þar birtist.

Leiðandi hagvísir Analytica er samansettur úr sex undirþáttum af mismunandi toga. Um er að ræða aflamagn, debetkortaveltu, ferðamannafjölda, heimsvísítölu hlutabréfa, innflutning og væntingavísítölu Gallup. Í september lækka fimm af sex undirþáttum frá fyrra ári. Frá í ágúst lækka hins vegar þrír af sex undirþáttum. Sjá viðauka, myndir V1 og V2.¹

Hugmyndin að baki vísítölunni er sú að framleiðsla hefur aðdraganda. Vísitalan er reiknuð á grundvelli þátta sem mælast í upphafi framleiðsluferilsins og/eða veita vísbendingar um eftirspurn eftir vörum og þjónustu. Til að unnt sé að auka framleiðslu þarf t.d. að afla aðfanga og stofna til fjárfestinga.

¹ Gildin á mynd V2 eru nú sýnd á sk. stöðluðu formi, þar sem stærðir eru stilltar á meðaltal=0 og staðalfrávik=1.

Einstök gildi leiðandi hagvísis Analytica hafa verið endurskoðuð en það er afleiðing nýrra gilda fyrir undirþætti og þeirrar aðferðafræði sem notuð er við útreikninginn, þ. á m. endurmats á langtímaleitni.

Leiðandi hagvísir Analytica hækkar lítillega í september og tekur gildið 98,3, sjá töflu 1. Sú tala á að gefa vísbendingu um framleiðslu sex mánuðum síðar þ.e. í mars 2025. Hagvísirinn tekur gildið 100 þegar búist er við að landsframleiðsla sé í takt við langtímaleitni.

Tafla 1. Leiðandi hagvísir Analytica 2023-2024







	Vísitala	Breyting (%)		Vísbending fyrir
		í mánuði	frá fyrra ári	
2023				
september	101.2	-0.1%	-1.4%	mars 2024
október	100.7	-0.4%	-1.7%	apríl
nóvember	100.2	-0.5%	-2.0%	maí
desember	99.9	-0.4%	-2.4%	júní
2024				
janúar	99.6	-0.3%	-2.8%	júlí
febrúar	99.3	-0.3%	-3.3%	ágúst
mars	99.1	-0.2%	-3.6%	sept.
apríl	98.8	-0.2%	-3.5%	okt.
maí	98.6	-0.2%	-3.2%	nóv.
júní	98.4	-0.2%	-3.1%	des.
júlí	98.2	-0.2%	-3.1%	jan. 2025
ágúst	98.2	0.0%	-3.1%	feb.
september	98.3	0.1%	-2.9%	mars

Birting leiðandi hagvísis Analytica fyrir október er áætluð þann 21/11 2024.

Nánari upplýsingar veitir Yngvi Harðarson hagfræðingur
Sími: 527 8890 – Tölvupóstur yngvi@analytica.is

Mynd V1 – Leiðandi hagvísir Analytica – einstakir undirliðir

Prósentubreyting frá fyrra ári *



Skýringar:

Debetkortavelta: Debetkortavelta heimila í verslun innanlands að raungildi. – Aflamagn: Fiskaflí, keðjutengd magnvístala. – Innflutningur: Raungildi.

Væntingavísitala: Væntingavísitala Gallup. – Heimsvístala hlutabréfa: Heimsvístala MSCI. – Ferðamannafjöldi: Komur ferðamanna til Keflavíkurflugvallar.

Allar tölur eru árstíðaleiðréttar og jafnaðar. – Síðustu sex mánuðir eru skyggðir fletir á myndum.

Heimildir:


Gallup á Íslandi, Hagstofa Íslands, Seðlabanki Íslands, MSCI, útreikningar Analytica ehf.

* Ekki frávik frá leitni viðkomandi þáttar


Mynd V2 – Leiðandi hagvísir Analytica – einstakir undirliðir

Frávik frá langtímaleitni


Debetkortavelta




Væntingavísitala




Aflamagn




Heimsvíssitala hlutabréfa



Innflutningur



Ferðamannafjöldi



Skýringar:

Debetkortavelta: Debetkortavelta innanlands að raungildi. – Aflamagn: Fiskafli, keðjutengd magnvíssitala. – Innflutningur: Raungildi.

Væntingavísitala: Væntingavísitala Gallup. – Heimsvíssitala hlutabréfa: Heimsvíssitala MSCI. – Ferðamannafjöldi: Komur ferðamanna til Keflavíkurflugvallar.

Allar tölur eru árstíðaleiðréttar og jafnaðar. – Síðustu sex mánuðir eru skyggðir fletir á myndum.

Heimildir:

Gallup á Íslandi, Hagstofa Íslands, Seðlabanki Íslands, MSCI, útreikningar Analytica ehf.

Um Analytica

Analytica ehf. er óháð ráðgjafarfyrirtæki á sviði efnahags- og fjármála með áherslu á ráðgjöf um fjár- og áhættustýringu til fagfjárfesta. Sérstaða fyrirtækisins liggur í áratuga reynslu og sérþekkingu starfsmanna.

Framkvæmdastjóri og stofnandi fyrirtækisins er Yngvi Harðarson hagfræðingur.

Yngvi er fæddur árið 1960. Hann er með MA gráðu í hagfræði frá Queen's University of Kingston í Kanada með áherslu á hagrannsóknir og peningamálahagfræði. Að auki er hann með próf í utanríkisverslunarfræðum frá Yrjö Jahnsson Foundation í Helsinki og CMT gráðu í tæknigreiningu frá CMT Association í N.Y. Þá er Yngvi með próf í verðbréfaviðskiptum. Yngvi hóf starfsferil sinn hjá Þjóðhagsstofnun árið 1988. Hann varð hagfræðingur Félags íslenskra iðnreknda árið 1990. Yngvi stofnaði ásamt Sverri Sverrissyni fyrirtækið Ráðgjöf og efnahagsspár ehf. árið 1993, sem sérhæfði sig í áhættu- og skuldastýringu. Árin 2007 og fram til júlí 2010 gegndi Yngvi stöðu framkvæmdastjóra hjá Askar Capital hf. fjárfestingarbanka.

Nánari upplýsingar á heimasíðu fyrirtækisins <http://www.analytica.is>